

清一齋 張子士師著

湖鑑類圖

第六
三

074087

御覽類函

〔清〕張英 王士禎等纂

北京市中國書店

淵鑑類函卷一百十八

封爵部一 封爵總載 親戚封

封爵總載一

杜氏通典曰昔黃帝旁行天下分建萬國至于唐虞別為五等曰公侯伯子男則虞書所謂輯五瑞脩五玉是其制也五瑞即公侯伯子男之瑞珪璧也五玉亦五等諸侯所執之玉夏與唐虞同殷制天子之畿方千里公侯百里伯七十里子男五十里不能五十里者不合于天子附于諸侯鄭元云此三代之制所因夏書三等之制凡四海之內九州州方千里州建百里之國三十里之國六十里之國百有二十凡二百一十國名山大澤不以封其餘以為附庸闡田凡九州千七百七十三國千里之外設方伯五國以為屬屬有長十國為連連有帥三十國為卒卒有正二百一十國以為州州有伯八州八伯五十六正百六十八帥三百三十六長八伯各以其屬屬於天子之老二人分天下以為左右曰二伯千里之內曰甸千里之外曰采周制封王者後凡有功之諸侯大者地方五百里侯四百里伯三百里子二百里男百里所因殷之諸侯亦為親疎之其小者皆益之地為百里是方千里曰王畿其外方五百里曰侯服又其外方五百里曰甸服又其外方五百里曰男服又其外方五百里曰采服又其外方五百里曰衛服又其外方五百里曰蠻服又其外方五百里曰夷服又其外方五百里曰鎮服又其外方五百里曰藩服周之初列爵唯五公侯伯子男分土唯三公侯方百里伯方七十里子男方五十里云凡諸侯世子世國大夫不世爵使人以德爵以功謂其內及列國諸侯為天子未賜爵視天子之元士以君其國列國及卿大夫者不世爵而世祿也秦制爵二十等以賞功勞二十徹侯十九關內侯關內侯者秦之關中故以爵之關內侯無土寄食在所縣民租多少各有戶數為限如淳稱曰列侯出關就國也但爵其身有家累者與之關內侯無土寄食在所縣民租多少各有受其爵耳則田邑為諸侯白起為武安君魏冉為華陽君秦昭王弟為涇陽君及高陵君蔡澤為成侯其後項梁為武信侯陳餘為成安君李左車為廣武君之類是也至漢尤多蓋在封爵之外別加美號也漢興設爵二等曰王曰侯皇子而封為王者其實古諸侯也故謂之諸侯王王子弟封為侯者謂之諸侯羣臣異姓以功封者謂之徹侯大者不過萬家小者五六百戶以為差降古分土而無分民自漢始分民而諸王國皆連城數十踰於古制其諸侯功德優盛朝廷所敬異有賜特進者其位在三公下其次列位有功德天子命

爲諸侯者謂之朝侯其位次九卿下皆平冕文衣侍祠郊廟其稱侍祠侯者但侍祠而無朝位其非朝侯侍祠而以下土小國或以肺腑宿親若公主子孫或奉先侯墳墓在京師者亦隨時見會謂之限諸侯凡諸侯王皆金璽盤綬古者印璽通名掌治其國王常冠遠遊冠綬五采而多朱自稱曰寡人敎曰令又今諸王得推恩封子弟爲列侯於是齊分爲七趙分爲六梁分爲五淮南分爲三又今諸侯十月獻酎金不如法者國除其縣邑皆別屬他郡千戶置家丞不欲者聽之作左官之律附益之法自後諸侯王唯得衣食租稅至成帝綏和元年省內史更令相治民都尉參職是後中尉爭權與王相常不和漢初論功封列侯者凡百四十有三人爲何外戚與定天下侯者二人凡列侯金印紫綬大者食縣小者食鄉亭得臣其所食吏民食邑者除租每戶一歲更輸錢二百後漢爵亦二等皇子封王其郡爲國其列侯雖鄧寇元勲所食不過四縣爲侯國舊制列侯奉朝請在長安者皆位次三公中興以來唯以功德賜位特進者次車騎將軍賜位朝侯次五校尉賜位侍祠侯次大夫其餘以肺腑及公主子孫或奉墳墓亦爲限諸侯明帝爲四姓小侯開立學校置五經師外戚樊氏郭氏曰小侯禮說曰庶方小侯亦其義也諸王封者受茅土歸以立社柳廣曰諸侯受封皆受茅土歸罪侯歸國不得臣吏民至獻帝建安初封曹操爲費亭侯亭侯之制自此始也二十年曹公始制名號侯至五大夫與舊列侯關內侯凡六等以賞軍功魏黃初三年初制封王之庶子爲鄉公嗣王庶子爲鄉侯公之庶子爲亭伯其後定制凡國王公侯伯子男六等次縣侯次鄉侯次亭侯次關內侯又置名號侯爵十八級關中侯爵十七級皆金印紫綬關外侯爵十六級銅印龜紐墨綬五大夫十五級銅印環紐亦墨綬自關內侯皆不食租虛封爵自魏始 晉亦有王公侯伯子男六等之封晉及卿等關中關外等侯爵凡九等武帝受禪之初泰始元年封建子弟爲王二十餘人以郡爲國邑二萬戶爲大國置上中下三軍兵五千人邑萬戶爲次國置上軍下軍兵三千人邑五千戶爲小國置一軍兵千五百人王不之國宮於京師罷五等之制公侯邑萬戶以上爲大國五千以上爲次國不滿五千戶爲小國初雖有封國而王公皆在京師咸寧三年詔從諸王公皆歸國時楊駿空襲秀立封侯之旨遂詔王公悉令歸國中尉領其兵平原汝南琅邪扶風齊爲大國梁趙樂安燕安平義陽爲次國其餘爲小國皆制所近縣益滿萬戶又爲郡公制度如小國王中尉領兵郡侯如不滿五千戶王置一

軍千一百人亦中尉領之於時唯特增魯國公戶邑追遣封故司空博陵公王沈為郡公鉅平侯華祐為南城
郡侯又南宮王承隨王萬各於泰始中封為縣王邑千戶至是改正縣王增邑為三千戶制度如郡侯亦置一
軍自此非皇子不得為王而諸王之支庶皆王家之近屬至親亦各以土推恩承其大國次國始封王之支子
為公承封王之支子為侯繼承封王之支子為伯小國五千戶始封王之支子及始封公侯之支子皆為男非
此皆不得封其公之制度如五千戶國侯之制度如不滿五千戶國亦置一軍千人中尉領之伯子男以下各
有差而不置軍大國始封之孫罷下軍曾孫又罷上軍次國始封之孫亦罷下軍其餘付以一軍為常大國中
軍二千入上下軍各千五百人次國上軍二千入下軍千人其未之國大國置守士百人次國八十人小國六
十人郡侯縣公亦如小國制度既行所增徙各如本奏而後去及吳平後秦王微送之國凡名山大澤不以封
鹽鐵金銀銅錫始平之竹園別都宮室園囿皆不為屬國其仕在天朝者與之國同諸人作卿士而其世子年
已壯者皆遣莅國其王公侯以下茅杜符璽車旗命服一如泰始故事凡王金印龜紐綬朱纓遠遊三梁冠絳
紗朝服佩山元玉開國郡公縣公金章卑朱纓綬郡侯青朱纓同連賢三梁冠初武帝踐阼封宣帝孫永為東
莞郡王始置二卿侯以下置官屬隨國大小無定制諸侯並三分食一東晉元帝大興元年始制九分食一
元帝以西陽王美陽等元會特為議宋氏一用晉制凡王子為侯者食邑皆千戶諸王世子皆金印紫綬遣
將軍以親王梁王寶元老特為之拜賢兩梁冠佩山元玉初江夏王義恭為孝武所忌憂懼故奏革諸侯屬事不得南向坐國官正冬不得跣登國
殿及夾侍障扇不得雉尾劍不得鹿盧形但馬不得過二諸侯常行車前後不得過六隊白直夾隊刀不得過
銀銅為飾諸王子繼體為王者婚葬吉凶悉依諸國公侯之禮不得同皇弟皇子至孝建中凡國官屬不得
齊封爵史闕梁封爵亦如晉宋之制諸王皆假金獸符第一至第十九諸公侯皆假銅獸符竹使符第一至
第五名山大澤不以封鹽鐵金銀銅鐵錫及竹園別都宮室園囿皆不以屬國諸王言曰令境內稱之曰殿下
公侯封郡縣者言曰敕境內稱之曰第下自第下稱皆曰寡人相以下公文上事皆詣典書世子主國其文書
表疏儀式如臣而不稱臣文書下郡官皆言告諸王公侯國官皆稱臣上於天朝皆稱陪臣有所陳皆曰上疏
其公文曰言事陳置九等郡有王嗣王藩王開國郡縣公開國縣侯開國縣伯開國縣子開國縣男沐食侯

鄉亭侯關內侯關外侯凡十二等鄱陽王之封也遺度支尚書蕭瑄持節兼太宰告於太廟五嶽尚書王質持節兼太宰告於太社凡親王起家則爲侍中若將軍方得有佐吏無將軍則無府止有國官皇太子子家嫡者封王依諸王起家餘子並封公起家書郎諸王子並諸侯代子起家給事王公起家員外郎封侯則令僕曹雖高半階實給秘書郎下次令僕子起家著作佐郎亦爲行參軍此外後魏有王開國郡公散公侯散若有諸州主簿太學博士國常侍奉朝請誦王府參軍並起家官未令錄詔侯伯散伯子散子男散男凡十二等道武皇始元年始封五等至天錫元年減五等之爵始分爲四曰王公侯子除伯男之號皇子及異姓元功上勲者封王皇族及始藩王皆降爲公諸公降爲侯侯子亦以此爲差於是封王者七十人公者二十二人侯者七十九人子者百有三人王封大郡公封小郡侯封大縣子封小縣其後復加伯男焉北齊有王公侯伯子男六等之爵王位列大司馬上非親王則在三公下封內之謂公以入臺三分食一公以下四分食一後周制封爵郡縣亦有公侯伯子男五等爵者皆加開國授柱國大將軍開府儀同者並加使持節大都督隋開皇中制國王郡王國公郡公縣公侯伯子男凡九等樂言其功清天下附此郡國至煬帝唯留王公侯三等餘並廢之皇伯叔昆弟皇子是爲親王唐有國王郡王國公開國郡公縣公開國侯伯子凡九等高祖初受禪以天下未定廣封宗室從弟及姪年始孩童者數十人皆封爲郡王太宗即位謂侍臣曰徧封宗子於天下便乎尚書右僕射封德彝對曰不便歷觀往古封王者今日最多兩漢以降唯封帝子及親兄弟若宗室疎遠者非有大功如周之郇滕漢之賈澤並不得濫叨名器所以別親疎也先朝敦睦九族一切封王爵命既崇多給力役蓋以天下爲私殊非至公取物之道也太宗然之於是率以屬疎爵降唯有功者數人得王餘並封縣公貞觀十一年六月詔判王元景等二十一王爲諸州都督刺史咸令子孫代代承襲非有大故無或黜免其後並不願行乃止後定制皇兄弟皇子爲王皆封國之親王前朝諸王子嫡者封郡王任職從四品下敘其衆子封郡公從五品上敘貞觀中王珪奏曰三品以上遇親三品皆降半降法申敘有承繼准太宗曰卿言自實而平吾子乎珪雖曰自古迄今親王自至德元年至大曆三年封王列卿及八座之長爲王降太子男封子王其庶姓卿士功業特盛者亦封郡王異姓爲王者凡百一十二人乘非王所宜當也詔從之其武德中其父有郡縣開國公侯伯子男之號亦九等並無官土其加實封者則食其封分食諸郡以租調食實封者三百六十五家凡食四萬四千八百六十戶開元四年三月制諸封國自始封至曾孫者其封

戶三分減一十年凡諸王以下所食封邑皆以課戶充州縣與國官邑官共執文帳准其戶數收其租調均爲三分其一入官其二入國公所食邑則全給焉二十年五月敕諸食邑實封並以三丁爲限不須一分入官其物仍令封隨庸調送入京

文獻通考曰封爵之差唐制王食邑五千戶郡王國公三千戶開國郡公二千

戶縣公千五百戶伯七百戶子五百戶男三百戶又有食實封者給繒帛每賜爵遞加一級唐末及五代始有特加邑戶而罷實封之給又去縣公之名封侯以郡宋朝沿其制文臣少卿監以上內職崇班以上有封爵丞相學士刺史大將軍諸司使以上有實封但以增邑數爲差不繫爵級色過其爵則并進爵焉止於開國郡公

每加食邑自千戶至二百戶實封自六百戶至百戶皆六等親王重臣或特加有踰千戶者

西平南平之號皆非常典所加凡加食邑宰相千戶實封四百戶餘降麻官七百戶實封三百戶直學士以

上五百戶實封二百戶舍人待制散尚書至少卿監以上實封一百戶食邑三百戶封縣開國男五百戶封子

七百人封伯千戶封郡侯二千戶封公千五百戶以上始加實封惟將相食邑萬戶即開國亦或謙而不就者

宋仁宗慶曆七年郊惟夏竦滿萬戶中書請封英國公因詔使相未滿萬戶皆得封皇屬有特封郡公縣公或

贈侯者無開國字侯無開國字在開國即公之上又宋泰制賜民爵曰公士其王公以下封國之名舊有大次小三等以爲進

封之次然或封拜又有權升次小者爲大國者漢化五年九月詔升義爲大國列於晉之下燕之上咸平六年

封卿王乃升卿爲大國大中祥符七年五月故舒王追封安王升安爲大國景祐二年八月故雍王追

封爲大國乾興元年三月進封衛中集三大長公主進升爲大國景祐中詔春秋秦漢以來及皇朝所封舊

名分別大次小三等以爲定制焉太祖時詔晉王太齊王義武武功郡王昭朝會班宰相上太宗太平興國八年

詔自今宰相序立宜在親王上宰相宋琪李昉等頓首言漢法丞相在諸侯王下請入舊制不許

祖宗之後未有封以王爵者慶曆四年以富弼建議遂次第封拜封德文東平郡王濮王汝南允弼北海允良

華原郡王從諱英國公從煦安國公宗說祁國公宗保建安郡公宗達恩平郡公守望清源郡公辛巳詔德文

等十人並列本班之上少前

厄言曰宋祖之取天下易於反掌而獨運籌策削平僭僞當時佐命諸臣如石守信高懷德皆一時推戴之誠耳其參謀密勿勘定四方者不過趙普曹彬潘美數人非有蕭曹良平之奇房

杜觀微之議韓彭英衛之勞也而藩鎮之歸附者皆因其本爵授之故封典闕焉其後惟崇文事不尚武功雖以李繼隆狄青之勲未有封爵而文臣至於宰執則無不封國公者矣漢法非軍功不侯而宰相封侯者班史列之恩澤傳蓋彼以分封為重此以名器為重古今異變不可以繁論也 又曰遼之封爵惟有國王郡王國公三等郡名率以漆水柳城混同蘭陵亦如宋高密建安之類國名則屢進屢改有加至二國者其初宗室與勲戚無異道宗太康五年十一月詔惟王子封一字王餘並削降蓋虛崇爵號大略如宋制而食邑戶數亦不可考矣遼之外戚多以功績文獻通考曰金熙宗天眷元年十月始定封國制其制屬於吏部凡封王大國號二十曰恒明昌二年以漢唐宋樂毅楚類皆指邵深為汴泰為并漢為益彭為趙越燕為鄭書為魯冀豫絳唐為克鄂為夔為宛陳為曹次國三十曰涇隋為鄭衡韓路肅潘岐代澤徐滕薛紀昇原為邢冀豐單鄧郭霍蔡瀛當在此沂荆榮英壽溫小國三十曰濮遂唐為鄭衡韓路肅潘岐代澤徐滕薛紀鄧舒潘邱萊唐為邢冀豐單鄧郭霍蔡瀛當在此密胙任載韋將唐為邢冀豐單鄧郭霍蔡瀛當在此原南陽常山太原平陽東平安定延安封公主之縣號三十樂安清平蓬萊榮陽樓霞壽光靈仙壽陽鍾秀惠和永寧慶雲靜樂福山隆平德平文安福昌順安樂壽靜安靈壽大寧聞喜秀容宜芳真寧嘉祥金鄉華原其封爵正從品級高下正從一品曰郡王曰國公正從二品曰郡公正從三品曰郡侯正從四品曰郡伯正五品曰縣子從五品曰縣男凡食邑封王者萬戶實封一千戶郡王五千戶實封五百戶國公三千戶實封三百戶郡公二千戶實封二百戶郡侯一千戶實封一百戶郡伯七百戶縣子五百戶縣男三百戶皆無實封 又曰元宗室駙馬通稱諸王歲賜之頒分地之大所以盡夫展親之義者亦優且渥然初制簡朴位號無稱惟視印紐大者金印駝紐金鑲銀印駝紐金鑲銀印龜紐有止用銀印龜紐等級不同如此又同姓有無國邑而稱王者但曰宗王 元初以親王分封西北其地極遠去京師數萬里以故其地莫得而詳如寧肅王脫脫者太祖長子術赤太子之第五子也不載何時封王而見之表中脫脫薨弟月即別嗣至元二年遣使來求分地歲賜以賑給軍站京師元無所領至大元年月即別薨子札尼別嗣其位下舊賜平陽晉州永州分地歲賦中統鈔

二十四百定自至元己卯歲始給之 明洪武三年詔立長子標爲皇太子封第二子椿爲秦王次桐晉王棟
燕王橚吳王禕楚王禕齊王禕潭王杞趙王檀魯王烱孫守謙靖江王皆授以冊寶設置相傳官屬及諸禮儀
八年定諸王宗人祿米每歲親王五萬石靖江王二萬石郡王六千石郡王諸子年十五入賜田六十頃爲永
業除其租九年定王府官制又定諸王及公主歲供之等十七年更定冊寶親王俱授以金冊金寶王妃止授
金冊不用寶皇太子之次嫡子並庶子年十歲皆封郡王授以塗金銀冊銀印親王嫡長子年十歲立爲王世
子授以塗金銀冊銀印次子及庶子年十歲皆封郡王冊印亦如之郡王次子授鎮國次孫輔國次曾孫奉國
皆將軍凡三等次元孫鎮國次五世孫輔國次六世孫奉國皆中尉凡三等親王女曰郡主郡王女曰縣主孫
女曰郡君曾孫女曰縣君元孫女曰鄉君凡五等靖江王府視郡王降一等

封爵總載二

周易曰我有好爵吾與爾縻之 又曰利建侯 尚書曰爵罔及惡德惟其賢 周禮曰諸公之地封疆方
五百里其食者半諸侯之地封疆方四百里其食者參之一 諸伯之地封疆方三百里其食者參之一 諸子之
地封疆方二百里其食者四之一 諸男之地封疆方百里其食者四之一 又曰王作六瑞以等邦國公執桓
圭侯執信圭伯執躬圭子執穀璧男執蒲璧 又曰典命掌諸侯之五儀諸臣之五等之命上公九命其國家
宮室車旗衣服禮儀皆以九爲節侯伯七命其國家宮室車旗衣服禮儀皆以七爲節子男五命其國家宮室
車旗衣服禮儀皆以五爲節 左傳曰齊莊公爲勇爵殖綽郭最欲與焉州綽曰東閭之役臣左驂迫還於門
中識其枚數其可以與乎公曰子爲晉君也對曰臣爲隸新 逸周書曰能移於衆與百姓同謂之公 又曰
能樹名生物與天道俱謂之侯 又曰齊景公時作謂之伯 白虎通曰景風至爵有德封有功 又曰受命之
王致太平之美羣臣上下之功故盡封之及中興征伐大功皆封盛德之士亦封之以德封者必試之爲附庸
三年有功因而封之五十里元士有功者亦爲附庸也其位大夫有功成封五十里卿成封七十里公成封百
里 又曰王者即位先封賢者憂民之急也故列土分疆非爲諸侯張官設府非爲卿大夫皆爲民也 孝經
援神契曰侯侯也所以守蕃也 孟子曰有天爵有人爵仁義忠信樂善不倦此天爵也公卿大夫此人爵也

古之人脩其天爵而人爵從之今之人脩其天爵以要人爵既得人爵而棄天爵則惑之甚者也 呂氏春秋曰太公望封於齊周公旦封於魯二君者甚相善也相謂曰何以治國太公望曰尊賢上功周公曰親親上恩太公曰魯自此削矣周公曰魯雖削有齊者亦必非呂氏也其後齊日以大至於霸二十四世而田氏有齊國魯日以削至於僅四十四世亡 管子曰爵不尊祿不重者不與圖難犯危以其道爲未可以求之也是故先王制軒冕足以著貴賤不求其美設爵祿足以守其服不求其親使君子食於道小人食於力 淮南子曰爵祿者人臣之銜轡也 袁子曰今有卿相之才居三公之位脩其政治以寧國家未必封侯也今軍政之法斬一牙門將者封侯夫斬一將之功孰與安寧天下者乎夫斬一將之功者封侯失封賞之意也 商君書曰明王之所貴唯爵爵賞不察其民不急列爵不顯則民不事爵爵易得則民不貴祿賞不道則民不以死爭位也又曰凡人主之所以勸民者官爵也國之所以興者農戰也今民求官爵皆不農戰而以功言虛道此謂勞民者其國必削 鹽鐵論曰昔太公封營丘之墟辟草萊而居焉地薄人少於是通利末之道極女工之功是以鄰國交於齊財蓄貨殖世爲疆國管仲相桓公襲先君業輕重之變南服彊楚而霸諸侯 史記曰殷以前尚矣周封五等公侯伯子男然封伯禽康叔於魯衛地各四百親親之義褒有德也太公兼五侯地尊勤勞也又曰驕忌見威王王說之三月而受相印淳于髡見之曰善說哉髡有愚志願陳諸前髡說畢趨出至門而面其僕曰是人者吾與之微言五其應我若響之應聲是必封不久矣 漢書曰李廣與望氣王朔語曰漢擊匈奴廣未嘗不在其中而諸侯校尉以下材能不及中人以軍功取侯者數十人廣不爲後人然終無尺寸功以得封邑者何也豈吾相不當侯耶朔曰將軍自念豈嘗有所恨者乎廣曰吾爲隴西太守先嘗反吾誘降八百餘人詐而同日殺之至今恨獨此耳朔曰禍莫大於殺已降此乃將軍所以不得侯也 漢官儀曰皇后父兄率爲特進侯朝會位次三公故章帝啓馬太后曰漢興舅氏之封侯猶皇子之爲王其功臣四姓爲朝侯侍祠侯皆在卿校下 漢雜事曰天子太社以五色爲壇封諸侯者取其土苴以白茅授之各以所封方之色以立社於其國故謂之受茅土漢興唯皇子封爲王者得茅土其他臣以戶賦租入爲節不受茅土不立社 東觀漢記曰上封功臣皆爲列侯大國四縣餘各有差博士丁恭等議曰古帝王封諸侯不過百里故制以建侯取

法於雷強幹弱枝所以爲治也今封諸侯四縣不合法制上曰古之亡國皆以無道未嘗聞功臣地多而滅亡者乃遣謁者即授印綬 又曰馮勣使典諸侯封事勣差量功次輕重國土遠近地勢豐薄不相踰越莫不服焉自是封爵之制非勣不定 後漢書曰張安世自昭帝時封爲富平侯傳國至八代孫吉無嗣國除經歷篡亂二百年間未嘗譴黜封者莫與爲比 百官表注曰五等諸公周官金章朱綬朱質四采元文織百四十首廣尺四寸長一丈六尺朝服進賢三梁冠官品第二地方七十五里位視三公班次色三千八百戶國秩絹千八百匹妻六人車前司馬十四人旅賁五十人 又曰縣侯漢官也自縣侯而下通號列侯金章紫綬朝服進賢三梁冠官品第三光武中興論功封大功臣吳漢鄧禹各四縣賈復朱浮三縣耿弇等二十九人 又曰縣侯有家丞庶子之官列侯皆亦如之 漢官解詁曰列侯本爲徵侯避武帝諱曰通侯舊時文書或爵通侯是也後更曰列侯今俗人或都言諸侯乃王爾非此也列侯歸國不受茅土不立宮室各隨貧富裁別庶以守其寵 環濟要略曰爵有五等公者無私也故文背公爲公 又曰伯把也把持政事也 又曰子猶孽孽恤下之稱也 又曰男任也任治政事受王命爲君也 謚法曰執應八方曰侯 相書曰天中容半印封侯 又曰天中正白如刀者封侯 周同封建論曰割裂州國分王子弟封三代之後報功臣之勞士有常居民有定主枝葉相扶首尾爲用 賈誼曰夫欲天下之治安莫若衆建諸侯而少其力 劉向諫成帝曰臣聞公族者國之枝葉枝葉不茂則本根無所托庇 令狐德棻曰分命賢戚布於內外料其輕重間以親疎首尾相持遠近爲用使其勢位足以扶危權力不能爲亂事業既定僥倖自息 唐太宗曰不井田不封建不足以法三代之治 唐劉秩曰古者公侯受封之地雖多而制祿不過十倍其卿成國不過半天子之軍名山大澤不以封必賜弓矢然後征必賜珪璫然後進有巡狩有述職有慶有讓 又曰封建者古帝之所以建萬世之長策必以三代之公心行三代之良法乃可不則非君上之利非百姓之利並非受封者之利也 歐陽脩曰敕土崩之難莫若建諸侯削尾大之勢莫若置守宰 又曰封建湯武之不得已也 柳宗元曰封建更古聖王而莫能去之蓋非不欲去之也勢不可也勢之來其生人之初乎不初無以有封建封建非聖人意也 胡寅曰封建與天下共其利天道之公也 吳萊曰井田小封建也封建大井田也 馬端臨曰必有公天下之心

然後能行封建無則莫若郡縣 又曰秦漢以來所謂列侯者非但食其邑入而已可以臣吏民可以布政令若關內侯則惟以虛名食廩祿而已景武而後始令諸侯王不得治民不過食其所封之邑入況列侯乎 又曰至東都始有未與國邑先賜美名例如靈壽王征羌侯之類明帝有四姓小侯乃樊鄴陰馬外戚子弟也又肅宗賜東平王蒼列侯印十九枚令王子年五歲以上者皆帶之 山堂肆考曰易稱建萬國親諸侯蓋親賢兼封也 又曰漢諸侯王表漢興之初海內新定同姓寡少懲亡秦孤立之敗於是剖裂疆土立二等之爵功臣侯者百有餘邑尊王子弟大啓九國諸侯比境周匝三垂天子自有三河凡十五郡公主郡侯俱邑其中而藩國之大者跨州兼郡連城數十宗室百官同制京師可謂矯枉過其正矣 呂覽曰神農封建彌近彌大彌遠彌小海上乃有十里之邦 蘇軾曰傳稱武王克商兄弟之國者十有五人姬姓之國者四十人爵五品而土三等蓋千八百國周室既衰轉相吞并春秋之世見於經傳者總一百二十四國

封爵總載三

建德 策勳 天子建德 注德有德 制城 連城 周禮凡建邦國以土圭土其地而制其域後漢 賜履

執圭 賜我先公執圭 注圭詳前二 正封 就國 天子建國諸侯正封 建國 諸侯正封 建國 諸侯正封

柔天下 外侮 陪教 昵近 陪多 敷厚 疏爵 高爵 漢書疏爵貴之 懷柔 德也 猶曰莫若兄弟故封之

義 史闕 漢字 德 謂以儒學勸勞封都鄉 桐圭之戲 鶴印之封 成王後剪桐葉爲圭封諸弟

帶 彌之 晉國 周禮以土圭測日景數分寸長短制其土地也 世及之祚 國除之典 制有罪者國除 封以土地 錫之山川

功 建 功 德有加 宗無 離居 有地 十有五人 三十六郡 諸官 燕齊建兄弟之國 十有五

侯 是 諸兵 少時 人相 曰 廷 議 是 遠 分 天下 爲 三十六 郡 諸 官 燕 齊 建 兄 弟 之 國 十 有 五

弱 王 後 果 坐 法 縣 布 心 喜 之 天 誘 歸 國 地 足 容 人 爵 祿 古 者 天 子 封 王 諸 侯 其 足 以 容 其 人 同 姓

侯 是 諸兵 少時 人相 曰 廷 議 是 遠 分 天下 爲 三十六 郡 諸 官 燕 齊 建 兄 弟 之 國 十 有 五

弱 王 後 果 坐 法 縣 布 心 喜 之 天 誘 歸 國 地 足 容 人 爵 祿 古 者 天 子 封 王 諸 侯 其 足 以 容 其 人 同 姓

異姓 益地削地周禮同姓以封異姓以封禮諸侯有功則益

強夫講不可帝悉封後漢書益地有罪則削地削地歸之閒田

封單于兄益地為侯後漢書益地有罪則削地削地歸之閒田

其爵邑 脩其禮物不復減地不合於天子 廣建於上公

曲阜方七百里 樂鄉多四百頃禮成王以周公有分土無分民

項衡後封臨淮郡之國遺人以自益免為庶人命之車服 建邦落土

立子孫 藩屏社稷漢書錫以土田 命之車服 建邦落土

建賢立德 錫壤開封 綏麟趾之族 廣犬牙之封 厚骨肉之恩

枝磐石之安 齊昨太師永表東海 晉登侯伯大落南陽太公地

龍領龍領定遠周建懿親五等列爵 漢封異姓八國皆王高祖定天下功臣

漢家保定亦因齊楚之功 五等開封周乃寵諸兄弟 七王建國漢則祚及子孫

當高祖之初 同日而立者三王在孝武之世 沛公矜嚴 東平智惠

輔臣 授桐貽緒 訓梓垂芳 東潤天潢 承暉日觀 雅道貴於東平

沛易先通 齊衡兩獻 比迹二南 周公族多職三司 唐台司亦用九人

宰輔之賢以上俱謹文王安否之問敢息帥行 書唐宗仁孝之詩仰祈札賜

漢宗受社方在櫛以錫封 世祖推恩長安立六子之宅 明皇廣愛華清建百孫之居

黃麾之仗 授以璽級交輝青輅之旂 貴爵名城寵冠公侯之上 高牙大旆榮兼將相之崇

以扶不拔之基 強幹弱枝以關無窮之祚 丕衍洪圖 茂膺顯冊 烈祖文孫 皇枝帝載

論功以封 有光帝載 昭宣廟謨 命以圭社 崇其禮物 列爵以旌德 昨土以報功

三台 超爵名於五等 河間禮樂 江夏忠勤

封爵總載四

原爵以取貴周禮太宰職云一爵以辨貴禮記中庸云序以賢制爵周禮司徒職云以賢

爵以取貴曰爵以取其貴也爵以辨貴爵所以辨貴賤也以賢制爵制爵則民慎德也以德詔爵

原論後魏王粲爵論曰依律有奪爵之法此謂古者野行之時民賜爵則喜奪爵則懼故可以奪賜而法也今爵事廢矣民不知爵者何也奪之民亦不懼賜之民亦不喜是空設文書而無用也今誠循爵則上下不失實而功勞者勸得古之道合漢之法以貨財爲賞者不可供以復除爲賞者租稅損減以爵爲賞者民勸而實省故古人重爵也 晉陸機五等論曰五等之制始於黃唐郡縣之治創自秦漢得失成敗備在典謨是以其詳可得而言夫先王知帝業至重天下至曠曠不可以偏制重不可以獨任任重必於借力制曠終乎因人於是乎立其封疆之典財其親疎之宜使萬國相維以成磐石之固宗庶雜居而定維城之業知其爲人不如厚己利物不如圖身安上在於悅下爲已在乎利人是以分天下以厚樂而已得與之同憂饗天下以豐利而我得與之共害故諸侯享食土之實萬國受世及之祚夫然則南面之君各務其治世治足以敦風道衰足以禦暴故疆域之國不能擅一時之勢雄俊之士無所寄霸王之志降及亡秦無道任術懲周之失自矜其得尋斧始於所庇制國昧於弱下國慶獨享其利主憂莫與共害雖速亡趣亂不必一道顛沛之實實由孤立是蓋思五等之小怨忘經國之大德知陵夷之可患聞土崩之爲痛漢繡秦枉大啓侯王境土逾溢不遵舊典是以諸侯阻其國家之富憑其士民之力勢足者反蒞土德者遲遲六臣犯其弱網七子衝其漏網皇祖彞於黜徙西京病於東帝是蓋過正之災而非建侯之累也

親戚封一

原毛詩曰乃命魯公俾侯于東錫之山川土田附庸 又曰奄有龜蒙遂荒大東至於海邦淮夷來同 左氏傳曰王將以狄伐鄭富辰諫曰不可臣聞之太上以德撫民其次親親以相及也昔周公弔二叔之不咸故封親戚以蕃屏周管蔡霍衛毛帥邠雍曹滕畢原鄭郕文之昭也邠晉應韓武之穆也凡蔣邢茅胙祭周公之胤也 孟子曰象至不仁封諸有庠仁人之於弟也不藏怒焉不宿怨焉親愛之而已矣親之欲其貴也愛之欲其富也封之有庠者富貴之也身爲天子弟爲匹夫可謂親愛之乎 帝王世紀曰成王元年周公爲冢宰攝政王生少未能治事故號曰孺子八年春正月朔王始躬政事以周公爲太師封伯禽於魯父子並命周公拜於前魯公拜於後王以周公勲勞於天下故加魯以四等之土兼二十四附庸地方七百里 史記曰

成王與叔虞戲則桐葉為珪平康曰以唐封汝史佚因言請擇日立叔虞成王曰吾與之戲耳史佚曰天子無戲言言則史書之禮成之樂歌之於是遂封叔虞於唐 漢書曰漢興之初尊王子弟大啓九國京師內史凡十五郡公主列侯願邑其中蕃國大者跨州兼郡連城數十宮室百官同制京師諸呂之難賴於諸侯也

左傳僖二十四年召穆公思周德之不類故糾合宗族於成周而作詩曰常棣之華鄂不韡韡凡今之人莫如兄弟 周語五等之侯兩社之輔三等之采六遂之邑有封畛土略以處之彝器分物以昭之祝宗上史以秩之宗氏分族以聯之 左傳昭二十六年王子朝曰武王成康並建母弟以蕃屏周亦曰吾無專享文武之功

二十八年成王曰昔武王克商光有天下其兄弟之國者十有五人姬姓之國者四十人皆舉親也 定四年年子魚曰成王選建明德以蕃屏周 襄二十九年叔侯曰虞號焦滑霍揚韓魏皆姬姓也 隱六年我周之東遷晉鄭焉依 僖五年宮之奇曰太伯虞仲太王之昭也號仲號叔王季之穆也 周語宣王欲任國子之

能導訓諸侯者樊穆仲曰魯侯孝乃命魯孝公於夷宮實傳中云國子諸侯之神荀子周公立七十一國姬姓獨居五十三人周之子孫苟不狂惑者莫不為天下之顯諸侯 史記表文武成康所封數百而同姓五十

三 賈誼傳高皇帝擇良日立諸子雒陽上東門之外舉以為王而天下安注顏師古曰諸侯國在關東故於東門外立之史記表高祖子弟同姓為王者九國惟長沙異姓注徐廣曰齊楚荆淮南燕趙梁代淮陽則絕乃封吳唐世系表漢鑿秦務廣宗室世其土地

貴圖漢儀冊封諸王必於祖廟冊命之示不敢專也 漢書諸侯王表文帝采賈生之議分齊趙景帝用晁錯之計則吳楚武帝施主父之策下推恩之令 王子侯表大哉聖祖之建業也後嗣承序以廣親親至於孝武以諸侯王疆土過制或僭差失軌而子弟為匹夫輕重不相準於是制詔御史諸侯王或欲推恩分子弟邑者令各條上朕且臨定其號名自是支庶畢侯矣 主父偃傳偃說上曰今諸侯子弟或十數而適嗣代立餘

雖骨肉無尺地之封則仁孝之道不宜願陛下令諸侯得推恩子弟以地侯之使人人得所願上以德施實分其國必稍自銷弱矣上從其計 史記三王世家制曰康叔親屬有十而獨尊者褒有德也周公祭天子郊故魯有白牡駢剛之牲羣公不毛賢不肖差也朕甚慕焉 又曰自吳楚後五宗王世漢為置二千石去丞相曰

相銀印諸侯獨得食租稅注景帝子十三人為王而賜五人同母者為一宗故曰五宗後漢書光武紀建武十五年初巴蜀既平大司馬

吳漢上書請封皇子不許重奏連歲乃詔諸臣議大司空融等議曰古者封建諸侯以藩屏京師周封八百同姓諸姬並為建國高祖聖德先啓天下封立兄弟諸子不違舊章陛下興復宗統功臣宗室咸蒙封爵多受廣地或連屬縣今皇子賴天能勝衣趨拜宜因盛夏吉時定號位以廣藩輔後漢書百官志注臣昭曰高祖謀深慮久封建子弟蕃維盤固齊代淮楚皆為外重哀平之際劉氏偏於四海宗正著錄遂以萬數後漢循前規光武十子並列畿外近郡孝明八國不能開庶遠民國近則不可以大不大則不足為疆本支之援終以少固漢氏得之微猶不能四百載魏氏失之甚不滿數十年晉世矯枉太過非簡賢之授無愚智之辨魏東阿王植上疏曰權之所在雖疏必重勢之所去雖親必輕蓋取齊者田族非呂宗也分晉者趙魏非姬姓也晉武十三王傳泰始之受終也乃憲章往昔廣晉山河大開藩屏文昭武穆方駕於魯衛應韓磐石大牙連衡於吳楚齊代唐膠東王傳唐始興務廣支蕃鎮天下封德彝曰漢所封惟帝子若親昆弟其屬遠非大功不王如周郇滕漢賈澤尚不得茅土所以別親疎也於是疏屬王者皆降為公唯嘗有功者不降贊曰天下已定帝與名臣蕭瑀等喟然議封建事欲與三代比隆而親徵李百藥皆謂不然徵以民人始復生業遽起而瓜分之故有五不可之說百藥舉春秋二百四十六年之禍至於哀平桓靈詆訕元首陸士衡之言以為謬悠天子由是不復議至名儒劉秩目武氏之禍至謂郡縣可以小寧不可以久安大抵與曹陸相上下而杜佑柳宗元深探其本據古驗今而反覆焉

親戚封二

王者始起封諸父昆弟白虎通云王者始封諸父昆弟示天下太平乃封親屬又云天下太平乃封割

名都以建周親後漢書書帝紀論云書推私恩以分子弟或記王侯東序云制諸侯王並建母

弟左傳曰召伯奭王靖四方陳王惠叔建母弟也以輔王室史記推私恩分子弟云制諸侯王並建母

復有德又曰周封伯禽康叔於魯愛所愛子孫詩外傳云周襄王不為天下立國七十二姓獨居五十五屬之

大牙相制大牙相制文相紀云高帝王于弟也封域相近或起居注承衛天子廣漢無準以謀無同姓少故

天子也舊輔京師過十餘城小侯不過數十里上足以奉實職下足以供祭祀以蕃輔京師親戚封

開監領為二長百十封爵部親戚封